

主編 黃靈庚 陶誠華

上海古籍出版社

金華宗譜文獻集成
19

主編 黃靈庚 陶誠華

上海古籍出版社

金華宗譜文獻集成
19

金華宗譜文獻集成

一九

武義縣委宣傳部 編

目錄

金華宗譜文獻集成（武義宗譜） 武義縣委宣傳部編

王文政輯

鮑

一

宣陽鮑氏宗譜

一

陳

一一

少微陳氏宗譜

一一

平輿陳氏宗譜

二八

潁川陳氏宗譜

五七

馬口陳氏宗譜

七二

鞏

七七

真定鞏氏宗譜

七七

武義曲湖鞏氏宗譜

九一

塘頭鞏氏宗譜

九三

武川曲湖鞏氏宗譜

一一〇

何

一四五

武義後渠口何氏宗譜

一四五

賀

一五三

武陽賀氏宗譜

一五三

藍

一六七

汝南藍氏宗譜

一六七

源口上井藍氏宗譜

一六九

李

一七九

五雲夏川李氏宗譜一

一七九

五雲夏川李氏宗譜二

二一八

阮

二三一

武川陳留阮氏宗譜

二三一

上官

二三九

上官氏宗譜

二三九

湯

二四九

棗岩湯氏宗譜

二四九

溪南湯氏宗譜

二五四

涂

二五九

宣陽涂氏宗譜

二五九

馬

二七五

清渭馬氏宗譜

二七五

陶

二七七

宣陽東龍陶氏宗譜

二七七

王

二九七

武義市東王氏宗譜

二九七

武義市東王氏宗譜

三〇七

雙柏王氏宗譜

三五三

吳

三九九

樊川吳氏重修宗譜

三九九

勃海吳氏宗譜

四二〇

徐

四二三

武南徐村徐氏宗譜

四二三

履坦徐氏宗譜

四三九

顏

五〇七

武南顏氏宗譜

五〇七

鄢

五二一

青田鄢氏譜序

五二一

楊

五二九

蜀郡楊氏宗譜

五二九

葉

五五七

竹客葉氏宗譜

五五七

南陽葉氏宗譜

五六七

張

五七一

白溪張氏宗譜

五七一

趙

五八一

桐琴趙氏宗譜

五八一

鄭

六二一

鄭氏宗譜

六二一

南倉鄭氏宗譜

六三一

鄭

六四一

曹門午溪鄭氏宗譜

六四一

括蒼宣邑雙溪鄭氏宗譜

六八五

鍾

七三五

鍾氏家譜

七三五

鮑

宣陽鮑氏宗譜

重修鮑氏宗譜序

序曰譜名家乘蓋將邇本源以敦睦族聯親疎以合渙散古之君子恆致慎於斯而不敢以小物視之者凡以此也鮑家自宋熙寧迨我皇明正統上下五六百年譜凡一再修簡帙具存亦可以垂其後而貽厥孫謀矣第世遠而族以分枝繁而居以散裔胄編布乎海隅潛德隱晦乎遐邇其相視如途人者幾希矣鮑族於此乃躬操觚翰歲有訪而日有誌補殘缺而訂掛漏稽傳贊以昭祖德考圖系以聯曠志操文翰以存宗功書生卒以考遺忘慎筆削以黜不類錄懿行以彰有德凡前修宗譜之法亦略備具此區區一得之勤渠而不敢以疎庸自諉者也若慎修以益其力因略以致其詳則有望於賢子慈孫以繼之於後云耳時皇明嘉靖歲在甲寅夏五月甲子吉旦江西道監察御史遂昌西野黃中書

重修鮑氏家譜序

鮑氏居宣南坑舊處者其先始自徽州州判輅公遷居徽州雙門而派徙焉迨今數拾世矣家習義讓敦尚樸實衣冠詩禮之德澤世守弗替田園產業之富愈文愈增鄉里素稱為美善之族也茲嗣孫曾

公等好禮輕財讀書明理仁於宗族睦於姻黨重於尊祖敬宗協意重修家譜究其始終明於本源誠意潔靜敬請邑庠生諱名君善別號虞廷祝先生纂修家譜庶乎昭穆有定親疎有別誠傳家之信史也後賢子賢孫蓋益力於自樹以震耀於斯譜云皇明萬曆歲在辛亥桂月吉旦親姻教諭蔡端拜序

重修鮑氏宗譜序

國有史家有譜其來尚矣夫人族世之遠者必有譜以紀其世次世遠譜闕則族誼疎而倫序失讀書君子之家嘗惓惓錄譜為念今西畝鮑氏其先自徽州雙門處族廣以富派徙於茲數十世矣舊譜罹於兵燹幸藏巖穴僅存序次淵源今第四世孫曾銳志重修家譜以叙諸族上以表祖宗之源流下以分子孫之支派裝演成帙延予序曰蓋夫家之有譜猶水之有源也乃鮑氏之族重修斯譜庶幾知乎尊祖敬宗之道者一族理義之興孝悌之生皆藉乎此而振也尚冀後人引而勿替斯為美矣因鮑氏曾公之請故特表為之序云已上世次遼遠舊譜因正統間失於兵火其中世次名字行第仕宦爵位多有闕略而不敢妄意自專其是尚冀後嗣讀書明達知乎尊敬祖宗之道者詳加考究毋失本源誠為祖宗之幸子孫之孝也時皇明萬曆三十九年歲在辛亥十二月甲子吉旦本邑庠生祝君善頓首拜撰白玉居雲峰賢同參

重修鮑氏宗譜序

古人重本惟在尊祖敬宗而又以譜作之者何也予嘗以考其故矣

人非譜則不能別大宗於小宗辨有族於無族世系不能以流其長昭穆不能以及其遠所以譜之一書重祖宗之血脈闡祖宗之源流其來也遠其義也深其由也漸矣古人之作豈不因其關於倫理之大綱常之重而爲尊祖敬宗之念由是而生予嘗竊有志也矧才學未能故不敢以強爲也幸五世祖端明公創之以開其先八世祖公綬君續之以衍其後迄今迨至幾世年已百餘其死生往遊圖系簡缺葬娶失遺所當修輯而義烏容己也愚將遡之以一其源而清其流亦未敢以便專也幸第四世孫曾者才高學邃薰沐敬事躬詣各族咸曰美矣於是同功其事殫用其力需出其財操翰墨同補輯而聯續之鉅梓以成其譜而欲垂澤於不朽也特牲告廟公刷頌諸各派當以金藏此亦名器之重勿以假借而傷祖宗之遺體也後有賢達者出亦當善述爲念使子孫知所自云時皇明萬曆歲在辛亥十二月甲子日吉旦金華府永康縣侍生季學志拜撰

重修鮑氏宗譜序

夫家之有譜猶國之有史國史以紀帝王之統緒家譜以傳祖宗之源流譜與史不可不並重也始祖生二世二世生九族九族列而爲傍從之類則非族之有派猶圖之有序歸於乾坤昭穆生於左右傳之繫於律呂歟況族之有譜圖則有叙則光啓於後矣苟能修譜予見此而知之且夫鮑氏之始歷極宋朝支連一脈皆名宦者始祖利府君生子正獻贈太師冀國公三世永盛公四世奉化公任隆興通判後十六世道韜公任徽州州判遷居徽州雙門生崇碧公任縣尹自此而下仕宦蟬聯名人迭出未盡枚舉今宣之世肅公遷居南坑

再徙舊處生子瓊公好翫山水見西畝山環水遶兆脈綿遠鍾靈毓秀有山可樵有水可漁有田可耕有書可讀於是卜居此處爲西畝鮑氏之始祖也流傳十餘世矣於康熙甲寅歲因遭水火之難譜牒藏於深山巖穴之中其間不無殘缺於是合族房長時選時旺應宗等衆議延予重修奈予才疎學淺致謝力辭又承繼文繼俊應侯繼全繼樂等再請予觀鮑族長幼有敬祖尊宗之誠予參舊例而新意聿成於帙使其脈絡貫通上下咸知尊祖敬宗之道睦族敦倫之義大宗小宗之法燦然明備至於明昭穆序人倫分長幼別親疎是猶音之千節萬奏而三百八十四條皆歸於律呂是以族譜不修則不知本源之流派樂書不作則不知律呂之調音蓋樂書之作雖聖人之難也譜之修源之潔實子孫之難也可勿慎哉時大清康熙歲次己巳年仲春月吉旦金華府永康縣雅川侍生李志學刊本邑龍溪五柳侍生陶俊言拜撰白玉居雲峰宏賢同訂

重修西畝鮑氏宗譜序

嘗思譜之詞義大矣哉自王者父天母地合萬姓以爲宗而聖人惇本明倫先九族以孚惠故帝王之胄每重玉牒而庶民之裔可無家乘之備也與今遡鮑氏之始祖居於閩之浦城傳至六世孫有諱宗衡公者任通判贈爲中順大夫衡公之十一世孫道韜者爲徽州判任滿宦居徽之雙門其子崇碧公又爲括之麗水縣丞遂居於是縣碧之四世孫名世肅者由麗客遊宣慈之南坑見其山環水繞土厚俗淳遂卜於是地不數傳成其族焉今稱西畝鮑氏者是公爲一世之始祖也其先世星居四方各啓雄族科甲蟬聯文人疊出班班可

考茲不復贅特考今之西畝鮑氏再遷於馬口縣城等處者稱爲宣陽之望族合邑目以名家亦昭昭在人耳目所遷之輩睿知寬等各以就田廬而居徙之先後不一余亦略焉勿著試考其譜之創始葺於明季三次繼修於國朝康熙己巳又續於乾隆癸酉而鮑氏之譜累世續修莫非孝子慈孫之能事也無乃歲月易逝衆心難一由癸酉迄今又有四十年矣其間生卒葬所婚娶尊卑恐有殘缺若不急爲之詳明不幾渺渺於無稽也哉幸今之賢孫諱繼統者等慮祖德之或忘嘗有建祠之意憂來裔之失序日有修譜之心於是糾衆合力不避寒暑於乾隆庚寅歲建造宗祠一座今春會族修譜三帖余忝襄其事囑余序而鮑氏之譜不數月而告成則長幼之節已分尊卑之序已定邇本窮源之意已著是舉也豈非光前裕後之美舉也哉余故欣然而爲之序至於詞之俚文之陋予竟忘矣時大清乾隆五十七年歲在壬子季春月吉日義邑眷晚陳懷九雲茶氏拜撰

重修西畝鮑氏宗譜序

且夫譜何爲而作也作之又何爲而修也蓋譜不作不知其身之所自出譜不修不知後裔之所由續修譜繫族可以知世系知世系即知身之所自出不敢置其身於不善以忝厥祖敦倫成俗之化實基於此其有關於世教至重也余閱西畝鮑氏宗譜名人迭出簪纓蟬聯前序言之詳矣余不復贅廼自道光乙酉重修以後迄今二十有餘歲矣修譜繫族非事之最切且急者乎然典斯職者必考核精詳不援華藻不遺微羽支分派別昭穆秩然俾子孫閱是譜人人知親其親長其長敦孝悌以重倫通休戚以睦族相率而勉於仁義以無

忝厥祖斯爲孝思不匱也矧譜成而垂諸後世必將曰修於某年月日主於某祖某公可法可傳則光前裕後之美孰有大於是耶余承命纂修譜牒信者書疑者闕缺略有補之訛譌者正之炳炳麟麟煥然一新茲譜告竣問序於余余愧不文誼何敢辭因書其大概以標諸首簡云是爲序大清道光二十六年歲次丙午花朝月穀旦邑庠生眷晚潘永清頓首拜撰

重修馬口鮑氏宗譜序

竊思譜之一書由來久矣歐陽創之於前而系圖已定蘇子繼之於後而宗次益明後世之言譜者莫不以二公爲首稱也今考譜之名義原所以辨宗族而普孝悌之義也雖大丈夫四海成家而天生人使之一本氏族之所以尚矣苟氏族之義不明人咸昧其所自出上無以邇祖宗之源流下無以衍後昆之支派其不至於墜聲滅祀者幾希是故人於親親之典爲大敬所尊而愛所親罔非重其氏族也氏族重而譜牒作譜牒作而世次明序其昭穆別其親疎敦其禮樂叙其彝倫一族之內自藹然興孝悌之風矣所以譜之爲書自天子以至於庶人皆以爲重器此玉譜斯亦士銘公用心之仁貽謀之遠而爲孝子慈孫之能事也然則譜也者普也普天下之大同歷萬世而不易嚴如國史明若星圖上承祖宗之德下開子孫之統所關原非淺鮮是譜之落成貴以金藏慎勿可以假借而傷祖宗之遺體也後之賢達者發仁孝誠敬之意繼志述事繩其祖武肯構肯堂不虛作室則譜之嗣而輯之斯永世無窮矣爰爲之謹序時光緒三十四年歲次戊申仲冬月之吉族長士亮房長士銘經理元慎元及元煌

國昌國章國棟國雲國星廷禎廷船廷榮十五世孫邑庠生昌齡百拜謹序

題鮑氏家風

尚黨家聲四海聞功勳千載重儒神雲初嗣美鍾餘慶更喜珍瑤譜牒清在昔崇儒拜事儀遺風後世共聞知當今仁孝尊宗者細討精微一貫之

題鮑氏英杰詩

括龍分派到宣平譜牒相傳一脈清詩禮衣冠傳不替踵聞尤羨叩芳聲

其二

鮑氏人物亘古今善繼善述播家聲族譜相傳經世遠本源千載可追尋

題鮑氏景致詩

鮑家嶺上掛晴紅傍結峨巖勢倚空朱戶夜開千嶂月畫堂簾捲夾谿風香傾絲醕登臨外影落澄波聚散中此景世間尋不到憑欄人在廣寒宮

人物

宋朝諱利府君閩城靈源厥流甚潔載卜龍泉崇我家業歷年七百

乃允孔昌周原膺承祀無疆贈太師冀國公諱正獻公承以累仁繼以世德佑啓後人久以弗失光前耀後一派彖源百世之澤美譽常存抱道中藏甘逸林泉諱永盛公剛毅正直學究歧黃節行標緻進退雍容一時之冠千古之宗任隆興判諱奉化公

應寰公安人鄭氏贊

青年孀居撫育幼子勵操冰霜和孝是舉家業益興女中之師

庠生幼學公安人潘氏贊

孝事舅姑和睦妯娌冰霜勵操邑侯嘉獎訓子義方幙中之範

庠生志學公安人王氏贊

德性溫柔治家有法教子有方中年孀守節操柏舟邑侯旌獎家聲益振閨中是師

葉壽公安人徐氏贊

節操冰霜中年失偶撫育四子家益克振女中丈夫

世弼公贊

天資樸實質性不凡是非不關寵辱不加卜云其吉擇里而棲此真吳國之逸士耶

瓊公贊

其內粹然其外怡然精通地理徙居西畝編巾素服笑傲林泉清白裕後詩酒永年偉哉是翁德行可傳

潘二公贊

丰姿特異性質超羣聞詩聞禮潤屋潤心懷才抱德誰復與鄰流風餘韻萬古千春

潘三公贊

十有四歲一夢而終斯時也孫子繫衍克振家聲於前有光所謂行善福報受祿於天保佑命之者吾祖有焉配祖母祝氏德性溫柔淑慎堪誇訓子有方內助無愧生吾父孟仲叔季有四今且孫枝數十克承先業遊庠食餼者相繼而起貢列成均者不乏其人此皆賴吾祖當日積德累仁之深天之報施不爽長發其祥吾祖永享百世之祀焉孫生也晚祖之生平難以備述父言俱在故特舉其大略附錄譜中以示不忘云贊曰

偉哉我祖度量寬洪居易俟命由困而通尊祖敬宗其德彌宏行不由徑言必有中律身勤儉產業豐隆孫子昌熾其樂融融人中之秀壽中之翁

時大清光緒三十四年歲次戊申小陽月穀旦服孫昌齡謹撰有方仁義道德者不忘

鮑貴公贊

素性敦厚創守田園和睦鄉黨郡邑馳名是以書之

鮑廷公贊

端莊嚴貌正直爲人整肅宗族毫不恂情儼然人望而畏之

天祥公贊

在閭里和睦一心入公門無違三尺邑侯獎美後任典史是以表之

時寧公贊

公充縣吏不取民財赤心守法合邑感仰

時佳公贊

公之爲人德行並著教子有方樂守田里克振家聲是以稱之

時成公贊

性度謙和守法尚古克振前修家業益厚是以誌之

時惠公贊

剛方正直宗族謙和禦賊致死胡天不佑

時高公贊

治家有法教子有方素性謙恭鄉族推重

時宏公贊

雖入公門毫無苟取奉公守紀咸稱令名

時選公贊

素性溫柔心存太古訓子有方睦族有禮

時旺公贊

南山之竹南極之精偉哉乃翁克振家聲禮義訓子兩邑知名

應宸公贊

稟性純良好施樂善子孫綿綿天根永年

應寰公贊

公之爲人執正純厚教子成家和睦宗族

應宗公贊

公忠正直體度循良創居山水樂隱林泉

應文公贊

素性循古樂守田里不管閑非生平無辱

應聖公贊

稟性忠直睦族謙和延賓有禮愛慕賢才鄉邑推重

應輝公贊

公之爲人素敦忠厚正直公平邑簽鄉長甲寅兵荒譜藏巖穴風露濕朽捐資三金竟成新譜尊祖敬宗永垂不朽

應顯公贊

公之爲人剛柔並濟素性樂善親族推重

應星公贊

仁義爲心交朋有禮雖入公門毫無苟取

應龍公贊

性好樂善正道修持平生不苟故書美之

葉壽公贊

素性謙和好善樂施勤家守分睦族宗里周貧恤匱教子純禮

應侯公贊

仁義忠直樂接親朋和睦鄉族教子有方處世周祥

應元公贊

世族名家淵源別篤生正人多氣節幼年貧約孺子儔戶外常來長者輟晚歲家道日興隆朋儕奔走皆心折生平從來無失行人世莫能與爭名生平從來無失色人世莫能與爭德素履亭亭清風弈弈兄之高懷伊誰可及 午溪眷弟鄭廷相介夫氏拜撰

應璜公贊

世多雕鏤以爲文兮乃翁惟以守吾樸世多準擊以爲巧兮乃翁惟以隱吾鵠世多圓轉以相隨乃翁絕不好馳逐蓋翁與我相周旋乃存本來之面目殆所謂嶽嶽懷方其人如玉者也居今日而瞻仰芳規疇不歌且祝哉 午溪眷晚生鄭勛頓首拜贊

應賓公贊

世家大族孝悌之人不易而得今大宅之譜世久年遠恐失落而不全爲一族之長故爲首而重修家譜此皆仁愛宗親之良心流露焉不幸幼年父母俱亡然事兄如父人皆共知自幼勤儉長成家業待人剛方老者無不尊敬少者無不顧恤爲族鄉之長樂善好施爲人正直作事公平老老幼幼皆仰望其盛德生平之德行巍巍然他人莫能與之諧焉 忝眷姻弟陶鎔頓首拜撰

應賓公贊

稱道其善棠棣有可咏也麟趾以克培也遷喬馬口勤儉治家恆同心而合德溫和睦世厥興創而立業敬兄嫂如同母父愛恤孫姪無異兒女素行若是故上天之報施善人福壽雙全而子孫滿堂誠足爲尚德之君子哉

贊曰器宇宏深風規峻潔高風振世雅度薰人晚陶海斌頓首拜

繼禮公贊

素性守己忠厚爲人見富不仰見貧不欺攻務農業不理閑非生平勤謹是以美之

繼元公贊

稟性剛烈才智過人設有公訟敢當其鋒曲直能言毫無徇情

繼俊公贊

性剛口直禮義常存作事勤謹克紹家聲

繼樂公贊

素性樸實忠厚爲人非事不理待賓客彬彬有禮舉修譜牒耿耿有光

繼明公贊

稟性公直好接賓朋氣質慷慨和睦宗親

繼文公贊

天生英敏德行兼全人孝出悌處世周全鄉黨推重縣舉鄉長尊宗率衆重修家譜承先世之事業立後裔之規謨撫恤幼姪家聲益振是以稱之

繼全公贊

天賦才俊能通今古惜乎萱花早逝故爾未能遊庠然且克振家聲敬長恤幼心存仁義才智過人率衆重修譜牒尊宗祖之遺範立後世之孫謨可稱百世之英俊也

繼懷公贊

其爲人也公私常能兩全素性剛直易險惟其一往意氣自超夫時彥襟懷可媲美古人惟調和一鄉而且勸諭四方斯亦可爲善於言語之人也所以特表其睦族有禮家風克振矣 眷弟陶海斌頓首拜撰

繼統公贊

器宇深宏俊偉光明磊磊落落伊人之行人與觀面咸加品評或稱麟趾或謂鳳鳴即其推許固亦非輕欲著其詳莫如友生憶昔同學

卓哉我兄岐嶷穎異頭角崢嶸每藝脫稿可誦可賡及遊泮水更擁盛名青錢萬選廩祿增榮嚴父既逝家計兼并以守以創且讀且耕漆林田園日加豐盈下待叔季允矣難兄式好無尤和樂無爭新構廣廈大費經營厚其墻垣高其閭閻乃叔乃委安享其成濟貧周急驅邪取正親友族黨悉感其情由是觀之我兄之行果乎人評吾儕同學是式是程克如我兄幽人之貞俗士靡靡孰與抗衡 年家眷同學弟鄭正淳頓首拜撰

壽翁元憲公實錄

公諱元憲名會成系余祖父也自幼分爨家貧如洗午炊晨煙暮食朝粥稍壯積業被匪燬盡草舍莫留居止無定有此苦況令他人處此難乎有恆矣彼則子然自立事上必孝待下必慈恭兄友弟一堂承順克勤克儉不耕於野則採於山披星戴月不辭勞苦櫛風沐雨莫畏艱辛籌畫有道數年之間家豐戶足廣置田產大啓爾宇以成家業所謂仰不愧俯不怍福自天申者吾祖有焉且吾祖生平處鄉黨之間見得思義見危授命聞善舉則告成而贊襄見非爲即明言以告戒辭嚴義正有懲惡勸善之心濟困扶危無伐善施勞之念所以感蒼默佑神力匡扶享壽九十有四歲一夢而終斯時也孫子繁衍克振家聲於前有光所謂行善福報受祿於天保佑命之者吾祖有焉配祖母祝氏德性溫柔淑慎堪誇訓子有方內助無愧生吾父孟仲叔季有四今且孫枝數十克承先業遊庠食餼者相繼而起貢列成均者不乏其人此皆賴吾祖當日積德累仁之深天之報施不爽長發其祥吾祖永享百世之祀焉孫生也晚祖之生平難以備述父

言俱在故特舉其大略附錄譜中以示不忘云贊曰

偉哉我祖度量寬洪居易俟命由困而通尊祖敬宗其德彌宏行不由徑言必有中律身勤儉 產業豐隆 孫子昌熾 其樂融融人中之秀壽中之翁

時大清光緒三十四年歲次戊申小陽月穀旦服孫昌齡謹撰